



RELATORIU

PARTISIPASAUN IHA ENKONTRU ASEAN
AMMSTI 22 NO COSTI-89

2026



**REPÚBLICA DEMOCRÁTICA DE TIMOR-LESTE
INSTITUTO NACIONAL DE CIÊNCIAS E TECNOLOGIA
(INCT)**

**RELATÓRIO KONABA PARTISIPASAUN INCT IHA
ENCONTRO ASEAN COSTI-89, ENCONTRO MINISTRO
ENSINO SUPERIOR ASEAN (AMMSTI) IHA VIAN'TIANE LAO
PDR**

Junho 2026



Título

**RELATÓRIO DELEGASAUN INCT KONABA PARTISIPASAUN IHA ENCONTRO
ASEAN COSTI-89, ENCONTRO MINISTRO ENSINO SUPERIOR ASEAN (AMMSTI)
IHA VIAN TIANE LAO PDR**

Elaboração

Dr. José Cornélio Guterres
Presidente Konselhu Exekutivu INCT

Maria Elsa Diogo Correia
Secretaria Executiva do INCT

Design:

Dedilson Pedro R. Sousa

Instituto Nacional de Ciências e Tecnologia (INCT)
Morada: Avenida de Balide, Díli Timor_leste
Telefone: (+670 78269204/7660660
Email: inct.secretariado@gmail.com



PREFÁCIO

Dokumentu nebe mak ami apresenta nee, deskreve konaba ami nia partisipasaun iha Enkontru ASEAN-COSTI-89 no Enkontro Ministerial ASEAN 22 AMMSTI nebe realiza iha Vientiane Lao PDR iha loron 22 too 26 de junho 2026. Enkontru nee nudar enkontru anual ASEAN ho tema “*Advancing APASTI for a Resilient, Sustainable and Competitive ASEAN*”. Enkontro refere nudar plataforma ida atu partilha konhesimentus no haforsa kooperasaun entre Estados Membros ASEAN iha área siensia teknologia no inovasaun. Integra iha delegasaun nee membros nain rua husi INCT mak hanesan, Dr. José Cornélio Guterres Presidente Conselho Executivo INCT, Maria Elsa Diogo Correia, Secretaria Executiva no membros nain 3 mai husi Ministério do Ensino Superior Ciências e Cultura.

Konstitui mai ami, honra boot ida partisipa iha enkontro ASEAN atu eskuta, konhese boas praticas, experiências no desafios konaba asaun konkreta atu implementa Planu Asaun Anual Siensia no Tecnologia Inovasaun (APASTI) nune mos atu haforsa kooperasaun entree estados membros nune e mos atu insentiva partisipasaun ativa iha desenvolvimento siencias tecnologia inovasaun iha nível regional Aproveita oportunidade nee atu agradece ba Sua Excelência Vice-Primeiro Ministro no Ministro Interino MESCC, Sr. Eng. Mariano Assanami Sabino ba orientasaun no konfiansa nebe haraik mai ami delegasaun, atu ami bele partisipa iha enkontro regional ASEAN tuir agenda previsto.

Ami mos hakarak hatoo agradementu ba Sua Excelência Ministro de Negócios Estrangeiros e Cooperação Dr. Bendito Freitas, ba apoio Financeiro no Logístico no equipa MENEC nebe servisu inkansavelmente iha preparação técnica incluindo emissão bilhete aéreo no apoio logistiku nebe facilita duni delegasaun halao viagem husi Dili ba Laos ida-volta ho sucesso.

Ami mos hakarak hatoo ami nia sincerus agradementus ba Sekretariadu ASEAN no Excelência Senhor Souksavath SIHAPANYA Diretor Geral, Departamentu Ciência Ministerio de Educação e Desportu, Lao PDR no equipa tomak nebe simu ami no fo akompanhamentu tanto administrativo logística no operacional hahu husi delegasaun too iha Laos too ami nia regressu mai Timor-Leste.

Iha biban ida nee ami mos hakarak hatoo agradementu wain ba Sua Excelencia Senhor Embaixador Timor-Leste ba Lao PDR Senhor João Camara ho equipa tomak iha Embaixada ba akolhimentu nebe diak tebes mai ami hahu husi inisiu to ami nia regressu ba Timor-Leste.

Ikus liu, hein katak ho partisipasaun ativa INCT yang eventua regional COSTI-ASEAN bele haforsa visibilidade INCT iha espasu ASEAN iha âmbito promosaun ciências, tecnologia no inovasaun. Obrigada wain

Dili, 7 de Julho 2026



ÍNDICE

PREFÁCIO	iii
I. Introdusaun	5
II. Enquadramentu Legal	5
III. Komposisaun Delegasaun.....	5
IV. Objetivo	6
V. Viagem Ekipa	6
VI. Atividade COSTI no AMMSTI	7
1. Loron dahuluk	7
2. Loron daruak	9
3. Loron datolu	12
4. Loron Dalima	13
VII. KONKLUSAUN	18
VIII. ANEXOS	

RELATÓRIO KONABA PARTISIPASAUN INCT IHA ENKONTRU ASEAN COSTI-89, ENKONTRU MINISTRO ENSINO SUPERIOR ASEAN (AMSTI) IHA VIENTIANE LAO PDR

I. INTRODUSAUN

Tuir konvite ofisiál husi Sekretariadu ASEAN, delegasaun Timor-Leste partisipa iha reuniaun nível a'as ASEAN kona-ba Siénsia, Teknolojia no Inovasaun (STI) ne'ebé realiza iha Vientiane, Repúblika Demokrátika Populár Laos (Lao PDR), iha loron 22 to'o 26 Juñu 2026. Reuniaun sira ne'e nudar parte ida husi mekanizmu governansa anuál ASEAN ne'ebé atu promove no hametin kooperasaun rejionál iha área siénsia, teknolojia no inovasaun. Ba Timor-Leste, ne'ebé nudar membru foun ASEAN nian, nia partisipasaun ne'e sai oportunidade estratéjika atu aumenta envolvimentu no kontribuisaun iha programa no iniciativa rejionál iha setor STI.

Durante misaun ida-ne'e, delegasaun Timor-Leste partisipa iha Reuniaun Board of Advisers and Consultants ba Dala-20 (BAC-20), Reuniaun Komité ASEAN ba Siénsia, Teknolojia no Inovasaun ba Dala-89 (COSTI-89), sesaun diálogu no reuniaun bilateral ho Parceiru Diálogu ASEAN, no Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22).

Iha reuniaun sira-ne'e, delegasaun Timor-Leste partisipa ativamente iha debate no deliberaun sira, hatu'o intervensaun ofisiál kona-ba agenda estratéjiku ne'ebé relevante ba interese nasionál, no halo troka hanoin ho Estadu Membru ASEAN, Sekretariadu ASEAN no Parseiru Diálogu sira. Partisipasaun ne'e kontribui ba hametin relasaun kooperasaun rejionál, aumenta komprensaun kona-ba mekanizmu governansa ASEAN iha área STI, no prepara Timor-Leste atu partisipa ho efektivu iha programa no iniciativa ASEAN sira bainhira sai membru tomak ASEAN.

II. Enquadramento Legal

- Dekretu Lei no. 5/2023 de 8 de Março Primeira alteração do Decreto Lei No. 23/2014 de 3 Setembro nebe aprova Estatuto INCT
- Despacho Sua Excelência Vice-Primeiro Ministro, Ministro Ensino Superior Ciência e Cultura Interino Senhor Eng. Mariano Assanami Sabino
- Konvite husi Ministeriu Edukasaun e Desporto Departamento Ciência Lao PDR iha loron 30 de Abril 2026

III. Komposisaun Ekipa

Delegasaun Timor-Leste lidera husi Sua Excelência Embaixador Timor-Leste ba Lao PDR Sr. João Camara no kompostu husi Ministério Ensino Superior Ciências Cultura (MESCC) no Instituto Nacional Ciências Tecnologia (INCT) ho membros delegasaun hanesan tuir mai:

- 1) Dr. José Cornélio Guterres: Presidente do Concelho Executivo (INCT)



- 2) Maria Elsa Diogo Correia: Secretária Executiva (INCT)
- 3) Amelia da Silva: Diretora Nacional Ciência e Tecnologia (MESCC)
- 4) Dália Mesquita: Assessora (MESCC)
- 5) Dulce E.P. Pinheiro: Secretariado (MESCC)



IV. **Objetivo**

a. **Objetivo Geral**

89ª Encontro COSTI-ASEAN no 22º Encontro AMMSTI ho tema “*Advancing APASTI for a Resilient, Sustainable and Competitive ASEAN*”ho ninia objetivu atu reforsa kooperasaun regional iha espasu ASEAN entre países membros sira nunee mos atu promove siensia tecnologia inovasaun (STI), partilha konhesimentu, experiencias, entre estadus membros ASEAN sira

b. **Objetivo Específiku**

- a) Promove interkâmbio experiência, boas práticas entre países ASEAN
- b) Haforsa kooperasaun ho países membros iha processu desenvolvimento siensias tecnologia no inovasaun
- c) Partilha atividades nebe halao ona no sei halao iha futuro baseia ba planu nebe aprovado ona iha APASTI
- d) Promove diskusaun sira entre países membros konaba problemas no desafios sira iha area siensias, tecnologia no inovasaun

Reuniaun ne'e loke ho liafuan abertura husi Prezidente da Meja, tuir fali eleisaun ba Vice-Prezidente no introdusaun delegasaun husi Estadu Membre sira. Tuir mai, reuniaun aprova agenda ofisial atu orienta deliberasaun durante reuniaun tomak.

Ajenda importante ida mak apresentasaun kona-ba rezultadu prinsipal husi Reuniaun Nivel Aas ne'ebé realiza tiha ona iha Cebu, Filipinas. Partisipante sira halo revizaun ba orientasaun estratéjika ne'ebé hetan ona aprovasaun no diskute implikasaun sira ba dezvoltamentu kooperasaun rejional iha área siénsia, teknolojia no inovasaun (STI). Diskusaun ne'e subliña importánsia atu hametin kolaborasaun entre Estadu Membre ASEAN hodi responde ba dezafiu rejional no global liuhusi investigasaun siéntifika, inovasaun no dezvoltamentu teknolojia.

Reuniaun mos simu atualizasaun kona-ba ASEAN Science, Technology and Innovation Fund (ASTIF), inklui estadu atual fundu nian, mekanizmu jestaun, no nesidade finansiametu ba futuro. **Iha kontestu ida-ne'e, fó atensaun espesial ba obrigasaun finanseira Timor-Leste bainhira sai membru tomak ASEAN. Reuniaun espika katak kontribuisaun anuál Timor-Leste ba ASTIF mak 1 milhaun de dolares kada tinan. Maibé, konsidera kondisaun ekonomia no prosesu tranzisaun Timor-Leste ba membru tomak ASEAN, reuniaun konkorda katak pagamentu ida ne'e bele halo liu husi prestasaun (installment payment), bazeia ba planu pagamentu ida ne'ebé sei prepara husi Governu Timor-Leste no hetan aprovasaun husi Sekretariadu ASEAN.**



Ikus mai, BAC-20 mos diskute proposta ASTIF Call 2026, inklui prioridade temátika ba investigasaun, kritériu ba seleksaun projetu, mekanizmu implementasaun no sistema finansiametu atu suporta projetu investigasaun kolaborativu entre instituisaun sira iha ASEAN. Inisiativa ne'e konsidera importante atu promove investigasaun konjunta, inovasaun no dezvoltamentu kapasidade siéntifika iha rejiaun.

Reuniaun mos halo revizaun ba rekomendasaun sira ne'ebé produz ona husi BAC-19, no avalia progresu implementasaun ba desizaun no rekomendasaun sira-ne'e. Avaliasaun ida-ne'e importante atu garante continuidade política no efetividade implementasaun programa STI iha ASEAN.

Tuir mai, membru sira diskute implementasaun ASEAN Plan of Action on Science, Technology and Innovation (APASTI), inklui progresu utilizaun Monitoring and Evaluation (M&E) Dashboard hanesan instrumentu monitorizasaun no avaliasaun implementasaun programa sira. Reuniaun mos simu atualizasaun kona-ba inisiativa estratéjika ASEAN, programa kooperasaun ho União Europeia (ASEAN–EU), implementasaun ASEAN Priority Economic Deliverables (PEDs), no atividade sira ne'ebé dezentolve tuir orientasaun ASEAN Ministerial Directives (AMDs).

Ajenda importante seluk mak diskusaun kona-ba Terms of Reference (TOR) ba órgaun subsidiáriu COSTI sira.

Diskusaun ida ne'e ninia objetivu mak atu hametin estrutura institusionál, klarifika papel no responsabilidade órgaun subsidiáriu sira, no aumenta efisiénsia implementasaun programa siénsia, teknolojia no inovasaun iha nível ASEAN.

Iha parte ikus reuniaun nian, membru sira konkorda katak Reuniaun COSTI tuirmai sei realiza iha Hanói, Viet Nam, iha fulan Outubru 2026. Desizaun ida ne'e marka continuidade kooperasaun ASEAN iha área siénsia, teknolojia no inovasaun no reafirma kompromisu membru sira atu kontinua promove kolaborasaun rejionál ba dezentovimentu sustentável no inovasaun iha ASEAN.

2. Loron Daruak (23 Juñu 2026): Reuniaun Komité ASEAN ba Siénsia, Teknolojia no Inovasaun ba Dala-89 (COSTI-89)

Loron daruak husi misaun ne'e dedika ba partisipasaun iha Reuniaun Komité ASEAN ba Siénsia, Teknolojia no Inovasaun ba Dala-89 (COSTI-89), ne'ebé halibur representante husi Estadu Membru ASEAN sira, Timor-Leste, Sekretariadu ASEAN, no Parsiru Diálogu sira atu avalia progresu implementasaun ajenda ASEAN iha área siénsia, teknolojia no inovasaun (STI), no prepara rekomendasaun sira atu submete ba Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22).

Reuniaun hahú ho aprovasaun ajenda no konfirmasaun ba rezultadu sira husi Reuniaun BAC-20. Tuirmai, membru sira halo revizaun no deliberaun ba rekomendasaun sira ne'ebé prepara ona husi Board of Advisers and Consultants (BAC), atu asegura katak inisiativa no programa sira ne'ebé propoin alinhadu ho prioridade estratéjika ASEAN no bele implementa ho efetivu iha kooperasaun rejionál ba siénsia, teknolojia no inovasaun.



Rezultadu importante ida husi reuniaun ne'e mak aprovasaun ba ASEAN Plan of Action on Science, Technology and Innovation (APASTI) 2026–2035. Komité rekoinese APASTI hanesan dokumentu estratéjiku prinsipal atu orienta kooperasaun ASEAN iha área STI durante tinan sanulu tuir mai. Planu



Asaun foun ida ne'e determina prioridade estratéjika iha investigasaun no dezvoltamentu (Research and Development – R&D), komersializasaun teknolojia, dezvoltamentu ekosistema inovasaun, transformasaun dijitál, dezvoltamentu rekursu umanu, aplikasaun teknolojia emerjente, no dezvoltamentu polítika pública ne'ebé bazeia ba evidénsia siéntifika. Objetivu boot husi APASTI mak suporta ASEAN atu sai comunidade ida ne'ebé inovativu, sustentável no kompetitivu iha nivel global.

Komité mos aprova proposta ASEAN Science, Technology and Innovation Fund (ASTIF) Call 2026, inklui prioridade temátika ba investigasaun, kritériu ba elegibilidade, mekanizmu finansiamentu, no prosesu implementasaun. Programa ida ne'e nia objetivu mak fó apoiu finanseiru ba projetu investigasaun kolaborativu entre instituisaun investigasaun no universidade sira iha ASEAN, atu promove investigasaun konjunta, dezvoltamentu inovasaun no hametin kapasidade siéntifika iha rejiaun. Hafoin diskusaun kle'an, membru sira konkorda atu submete proposta ida-ne'e ba AMSTI-22 atu hetan aprovasaun final husi Ministru sira.

Parte importante seluk husi reuniaun COSTI-89 mak sesaun diálogu ho Parseiru Diálogu ASEAN. Iha sesaun sira-ne'e, representante husi ASEAN no parseiru estratéjiku sira halo troka informasaun kona-ba progresu programa kooperasaun sira no buka oportunidade atu amplia tan kooperasaun iha futuru ho Índia, Xina, Japaun, União Europeia (EU), Repúblika Korea (ROK), Reino Unido, Estados Unidos da América, no ASEAN Plus Three.

Diskusaun sira ne'e subliña katak kooperasaun internasionál kontinua sai fator importante atu dezenvolve kapasidade siénsia, teknolojia no inovasaun iha ASEAN. Área kooperasaun ne'ebé hetan atensaun mak investigasaun konjunta, mobilidade ba investigador no estudante sira, dezenvolvimentu inovasaun, transferénsia teknolojia, transformasaun dijitál, inteligénsia artifisiál (Artificial Intelligence), bioteknolojia, manufatura intelijente (Smart Manufacturing), investigasaun kona-ba mudansa klimátika, reziliénsia ba dezastre, seguransa ai-han, inovasaun iha área saúde, no programa sira ba dezenvolvimentu kapasidade institusionál.



Parseiru Diálogu sira mos apresenta oportunidade sira ba finansiamentu investigasaun, asisténsia téknika, programa formasaun no dezenvolvimentu kapasidade, no plataforma kolaborasaun atu hametin universidade, sentru investigasaun no instituisaun inovasaun iha ASEAN. Iha kontestu ida ne'e, membru sira mos halo revizaun ba implementasaun programa kooperasaun sira hanesan ASEAN–EU Cooperation Programme, Japan–ASEAN Science and Innovation Cooperation, ASEAN–India Science and Technology Development Fund, ASEAN–China Science, Technology and Innovation Cooperation, no mekanizmu kolaborasaun seluk ne'ebé suporta investigasaun, inovasaun, komersializasaun teknolojia no dezenvolvimentu ekonomia bazeia ba inovasaun.

Durante diskusaun sira ne'e, delegasaun sira enfatiza katak kooperasaun entre ASEAN no Parseiru Diálogu sira importante tebes atu responde ba dezafiu komun ne'ebé enfrenta hosi rejiaun, hanesan mudansa klimátika, saúde públika, seguransa ai-han no energia, transformasaun dijitál, no dezenvolvimentu sustentável. Partisipante sira konkorda katak kolaborasaun internasionál sei kontinua sai mekanizmu estratéjiku atu aumenta kapasidade siéntifika, promove troka koñesimentu, fasilita transferénsia teknolojia, no suporta dezenvolvimentu ekonomia ne'ebé bazeia ba investigasaun no inovasaun.

Iha ikus reuniaun, rezultadu no rekomendasaun hotu-hotu ne'ebé produz husi COSTI-89 konsolida no prepara atu submete ba Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22) atu hetan aprovasaun polítika husi Ministru sira. Ho ida ne'e, COSTI-89 hala'o papel estratéjiku hanesan ponte entre diskusaun téknika no formulasaun desizaun polítika, ne'ebé sei sai baze ba implementasaun kooperasaun ASEAN iha área siénsia, teknolojia no inovasaun durante tinan sira tuirmai.

3. Loron Datoluk no Loron Dahaat (24–25 Juñu 2026): Reuniaun ho Parceiru Diálogu, Konsultasaun Bilateral no Jantar Ofisiál (Gala Dinner)

Iha loron datoluk no loron dahaat husi misaun ne'e, delegasaun Timor-Leste partisipa iha reuniaun oin ho Parseiru Diálogu ASEAN, konsultasaun téknika, reuniaun koordinasaun no enkontru bilateral ho organizasaun internasionál sira. Reuniaun sira ne'e sai plataforma importante atu avalia progresu kooperasaun iha área siénsia, teknolojia no inovasaun (STI), no identifika oportunidade foun atu hametin kolaborasaun rejionál no internasionál. Diskusaun sira fó atensaun ba área estratéjika hanesan investigasaun no dezvoltamentu (Research and Development – R&D), dezvoltamentu ekosistema inovasaun, komersializasaun teknolojia, transformasaun dijitál, intelijénsia artifisiál (Artificial Intelligence), mobilidade ba investigador sira, diplomasia siéntifika, transferénsia teknolojia no dezvoltamentu kapasidade institusionál.

Reuniaun sira ne'e mos fó oportunidade ba Timor-Leste atu apresenta progresu no esforsu Governu nian iha hametin sistema nasional ba siénsia, teknolojia no inovasaun liuhusi Institutu Nasionál ba Siénsia no Teknolojia (INCT). Delegasaun Timor-Leste fahe informasaun kona-ba dezvoltamentu polítika nasional STI, promosaun investigasaun siéntifika, reforçu sistema governansa ba investigasaun, dezvoltamentu publikasaun siéntifika, no espansaun kooperasaun internasionál. Timor-Leste mos reafirma ninia kompromisu atu partisipa ativamente iha rede investigasaun ASEAN, programa inovasaun rejionál, no atividade sira ba dezvoltamentu kapasidade ne'ebé organiza husi ASEAN no ninia Parceiru Diálogu sira.

Iha 24 Juñu 2026, delegasaun Timor-Leste hatu'o intervensaun ofisiál rua durante sesaun diálogu entre COSTI no Parceiru Diálogu ASEAN, mak Japaun no Repúblika Korea (ROK).



Iha Sesaun Diálogu ASEAN–Japaun, Timor-Leste hatu'o agradesimentu ba Governu Japaun tanba ninia apoiu kontinuada ba dezvoltimentu siénsia, teknolojia no inovasaun iha ASEAN. Intervensaun ne'e rekoinese kontribuisaun Japaun iha área investigasaun siéntifika, dezvoltimentu inovasaun, formasaun rekursu umanu, no transferénsia teknolojia iha rejiaun. Delegasaun Timor-Leste mos apresenta progresu ne'ebé Governu halo liuhusi INCT atu hametin sistema nasional ba STI no hatu'o interesse atu amplia tan kooperaun ho Japaun iha área investigasaun kolaborativu,



deztolvimentu inovasaun, mobilidade investigador sira, formasaun kapasidade, no transferénsia teknolojia.

Iha Sesaun Diálogu ASEAN–Repúblika Korea (ROK), Timor-Leste hatu'o intervensaun daruak atu reafirma ninia kompromisu ba hametin kooperaun entre ASEAN no Repúblika Korea iha área siénsia, teknolojia no inovasaun. Delegasaun expresa apresiasaun ba apoiu kontinuada husi Governu ROK ba programa STI ASEAN no enfatiza aspirasaun Timor-Leste atu partisipa ativamente iha programa rejional kona-ba transformasaun dijital, intelijénsia artifisial, investigasaun no dezvoltimentu, inovasaun, mobilidade investigador no dezvoltimentu kapasidade institusional. Intervensaun ne'e mos subliña importánsia atu hametin parseria liu husi projetu investigasaun konjunta, transferénsia teknolojia, troka koñesimentu no programa inovasaun atu suporta dezvoltimentu sistema inovasaun nasional Timor-Leste.

Sesaun diálogu sira-ne'e fó oportunidade importante ba Timor-Leste atu aprofunda relasaun ho rua husi Parceiru Diálogu estratéjiku ASEAN no identifika área sira ne'ebé bele dezvoltolve kooperaun iha futuru, ne'ebé kompatível ho prioridade dezvoltimentu nasional no preparasaun Timor-Leste atu integra ho di'ak liután iha comunidade ASEAN iha área siénsia, teknolojia no inovasaun.

Iha 25 Juñu 2026, Timor-Leste representa ofisialmente iha ASEAN–Republic of Korea Science, Technology and Innovation Technical Meeting liuhusi Sra. Jacinta Guterres, Diretora ba Siénsia no Inovasaun. Iha reuniaun ida-ne'e, partisipante sira halo revizaun ba implementasaun programa kooperaun STI entre ASEAN no Repúblika Korea no diskute oportunidade foun ba kolaborasaun

iha área teknolojia emerjente, inovasaun dijitál, inteligéncia artifisiál, mobilidade investigador, dezvoltamentu kapasidade institusionál no transferénsia teknolojia.

Iha kalan loron 25 Juñu 2026, Governu Repúblika Demokrátika Populár Laos, hanesan Prezidénsia ASEAN ba tinan 2026, organiza Jantar Ofisiál (Gala Dinner) nu'udar parte husi programa Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22). Gala Dinner ne'e hanesan eventu diplomátiku ofisiál ne'ebé halibur Ministru sira, Xefe Delegasaun sira, representante Sekretariadu ASEAN, Parceiru Diálogu no konvidadu ofisiál sira. Aleinde ninia natureza serimoniál, eventu ida-ne'e sai oportunidade importante atu hametin amizade, promove diálogu informál, no reforsa relasaun diplomátika entre nasaun sira.

Timor-Leste representa ofisialmente iha Gala Dinner husi Sua Excelénsia João Câmara, Embaixador Repúblika Demokrátika Timor-Leste ba Repúblika Demokrátika Populár Laos, ne'ebé akompaña husi Dr. Jose Cornelio Guterres, Prezidente Ezekutivu Institutu Nasionál ba Siénsia no Teknolojia (INCT) no Xefe Delegasaun COSTI Timor-Leste, no Sra. Amelia Araújo, Diretora INCT. Partisipasaun iha eventu ida-ne'e permite delegasaun Timor-Leste halo rede kooperasaun (networking) ho Ministru sira, Xefe Delegasaun no representante Parceiru Diálogu sira iha ambiente informál, ne'ebé kontribui ba hametin relasaun diplomátika no loka oportunidade foun ba kooperasaun iha área siénsia, teknolojia no inovasaun entre Timor-Leste no ASEAN.

4. Loron Dalima (26 Juñu 2026): Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22)

Loron ikus husi misaun ida-ne'e dedika ba partisipasaun iha Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22), ne'ebé partisipa husi Ministru sira no Xefe Delegasaun sira responsavel ba área siénsia, teknolojia no inovasaun husi Estadu Membru ASEAN sira, Timor-Leste, Sekretariadu ASEAN no Parceiru Diálogu sira. Reuniaun Ministeriál ida-ne'e sai instánsia polítika aas liu iha estrutura governansa ASEAN ba área STI, ho responsabilidade atu konsidera no aprova rekomendasaun sira ne'ebé prepara husi Reuniaun Komité ASEAN ba Siénsia, Teknolojia no Inovasaun ba Dala-89 (COSTI-89).



Durante reuniaun, Ministru sira halo deliberasaun no aprova inisiativa estratéjika lubuk ida ne'ebé sei orienta dezentvolvimentu siénsia, teknolojia no inovasaun iha ASEAN durante dekada ida tuirmai. Desizaun importante sira ne'ebé hetan aprovasaun inklui aprovasaun ba ASEAN Plan of Action on Science, Technology and Innovation (APASTI) 2026–2035, hanesan planu estratéjiku ASEAN atu orienta kooperasaun rejionál iha área STI; aprovasaun ba ASEAN Science, Technology and Innovation Fund (ASTIF) Call 2026 atu suporta projetu investigasaun no inovasaun kolaborativu iha



ASEAN; aprovasaun implementasaun ASEAN Priority Economic Deliverables (PEDs) iha área siénsia, teknolojia, inovasaun no transformasaun dijital; no aprovasaun atividade sira tuir ASEAN Ministerial Directives (AMDs) atu acelera implementasaun prioridade estratéjika ASEAN iha área STI.

Desizaun importante seluk ne'ebé hetan diskusaun iha Reuniaun Ministeriál mak kona-ba partisipasaun futura Timor-Leste iha ASEAN Science, Technology and Innovation Fund (ASTIF) bainhira sai membru tomak ASEAN. Ministru sira konkorda katak Timor-Leste sei kontribui USD 1 milhaun kada tinan ba ASTIF tuir mekanizmu kontribuisaun finanseira ne'ebé aplika ba Estadu Membru ASEAN sira. Maibé, konsidera kondisaun dezentvolvimentu ekonomia Timor-Leste no prosesu integrasaun ba ASEAN, reuniaun mos konkorda atu fó fleksibilidade ba Timor-Leste halo pagamentu kontribuisaun ida-ne'e liuhusi prestasaun (installment payment), bazeia ba planu pagamentu ne'ebé sei prepara husi Governu Timor-Leste no hetan aprovasaun husi ASEAN.

Desizaun ida-ne'e hatudu kompromisu ASEAN atu fasilita integrasaun gradualmente Timor-Leste ba mekanizmu kooperasaun rejionál, nune'e Timor-Leste bele participa ho efektivu iha programa investigasaun no inovasaun ne'ebé finanseiru husi ASTIF.

Durante Reuniaun Ministeriál, Sua Excelénsia João Câmara, Embaixador Repúblika Demokrátika Timor-Leste ba Repúblika Demokrátika Populár Laos no Xefe Delegasaun Timor-Leste, hato'o intervensaun ofisiál rua reprezenta Governu Timor-Leste.




Iha intervensaun dahuluk, Sua Excelénsia João Câmara hato'o apoiu Timor-Leste ba ASEAN Priority Economic Deliverables (PEDs), liuliu ba Deklarasaun kona-ba Teknolojia Espasiál (Space Technology) no Deklarasaun kona-ba Intelijénsia Artifisiál ba Saúde (Artificial Intelligence for Health) ne'ebé propoin husi Repúblika Filipinas. Timor-Leste konsidera deklarasaun rua ne'e hanesan inisiativa estratéjika ne'ebé demonstra kompromisu



ASEAN atu uza siénsia no teknolojia emerjente hodi responde ba dezafiu sira ne'ebé rejaun hasoru atualmente. Timor-Leste mos reafirma ninia prontidaun atu kontribui ba kooperasaun rejionál iha utilizaun responsável, étiku no inkluzivu ba teknolojia espasiál no intelijénsia artifisiál, partikularmente iha área saúde públika, jestaun risku dezastre, monitorizasaun ambiental no dezvoltamentu sustentável.

Iha intervensaun daruak, Sua Excelência João Câmara apresenta visaun estratéjika Timor-Leste kona-ba desenvolvimentu siénsia, teknolojia no inovasaun iha futuru. Intervensaun ne'e reafirma kompromisu Governu atu hametin sistema nasional ba siénsia, teknolojia no inovasaun hanesan motor prinsipal ba desenvolvimentu ekonomia no sosial sustentável. Nia subliña papel importante Institutu Nasionál ba Siénsia no Teknolojia (INCT) iha promosaun investigasaun siéntifika, inovasaun, publikasaun siéntifika, desenvolvimentu teknolojia no formulasaun polítika pública ne'ebé bazeia ba evidénsia siéntifika. Aleinde ne'e, Timor-Leste hatu'o ninia hakarak atu amplia kooperasaun ho Estadu Membru ASEAN no Parceiru Diálogu sira iha área investigasaun no desenvolvimentu, transformasaun dijitál, inteligéncia artifiál, bioteknolojia, reziliénsia ba mudansa klimátika, seguransa ai-han, inovasaun iha saúde no desenvolvimentu rekursu umanu. Timor-Leste mos reafirma ninia prontidaun atu implementa APASTI 2026–2035 no partisipa ativamente iha programa investigasaun rejionál ne'ebé suporta husi ASEAN Science, Technology and Innovation Fund (ASTIF).

Bainhira remata Reuniaun Ministeriál, Ministru sira reafirma kompromisu kolektivu ASEAN atu kontinua hametin kooperasaun rejionál iha área siénsia, teknolojia no inovasaun hanesan baze ba kresimentu ekonomia ne'ebé orienta ba inovasaun, transformasaun dijitál, desenvolvimentu sustentável no reziliénsia rejionál. Ministru sira mos subliña importánsia kolaborasaun entre governu sira, universidade sira, instituisaun investigasaun, setor privadu no Parceiru Diálogu sira atu responde ba dezafiu rejionál no global liuhusi investigasaun siéntifika no inovasaun.



Hafoin remata Reuniaun Ministeriál, delegasaun Timor-Leste halo vizita ofisiál ba Museu Arte Laos (Lao Art Museum) nu'udar parte husi programa ofisiál ne'ebé organiza husi Governu Repúblika Demokrátika Populár Laos.

Vizita ida-ne'e fó oportunidade ba delegasaun atu komprende kle'an patrimóniu kulturál, istória arte no desenvolvimentu sivilizasaun Laos. Liuhusi koleksaun no eksibisaun sira iha museu, delegasaun observa oinsá Governu Laos preserva no promove identidade kulturál nasional, integradu koñesimentu tradisionál, arte, no abilidade artesanal iha prosesu desenvolvimentu nasional kontemporáneu. Vizita ida-ne'e mos hatudu katak museu la'ós deit fatin rai objetu istóriu, maibé sai sentru importante ba edukasaun pública, preservaun zpatrimóniu kulturál, promosaun kreatividade no desenvolvimentu turizmu kulturál.

Ba delegasaun Timor-Leste, esperiénsia ida-ne'e fó inspirasaun atu hametin esforsu preservaun patrimóniu kulturál nasional no promove ligasaun entre kultura, kreatividade, inovasaun no desenvolvimentu sustentável. Vizita ne'e mos kontribui ba hametin amizade no relasaun entre povu Timor-Leste no povu Laos, hanesan parte husi objetivu ASEAN atu promove identidade rejionál, respeito malu no kooperasaun kulturál.



Partisipasaun Timor-Leste iha AMSTI-22 marka pasu importante ida iha prosesu integrasaun progresivu ba comunidade ASEAN, partikularmente iha área siénsia, teknolojia no inovasaun. Reuniaun ida-ne'e fó oportunidade estratéjika ba Timor-Leste atu apresenta ninia prioridade nasional, hametin parseria diplomátika no siéntifika, no reafirma ninia prontidaun atu kontribui ativamente ba realizasaun visaun ASEAN hanesan comunidade ida ne'ebé inovativu, sustentável, resiliente no kompetitivu. Iha tempu hanesan, desizaun sira ne'ebé hetan aprovasaun iha Reuniaun Ministeriál mos fó orientasaun klaru ba preparasaun institusionál, téknika no finanseira Timor-Leste, inklui implementasaun mekanizmu kontribuisaun ba ASTIF, atu garante partisipasaun efetiva Timor-Leste bainhira sai membru tomak ASEAN.

VII. Konkluzau

Misaun ofisiál iha Vientiane, Repúblika Demokrátika Populár Laos (Lao PDR), ne'ebé realiza iha loron 22 to'o 26 Juñu 2026, atinje ho susesu objetivu sira ne'ebé determina ona, liuhusi partisipasaun ativu delegasaun Timor-Leste iha Reuniaun Board of Advisers and Consultants ba Dala-20 (BAC-20), Reuniaun Komité ASEAN ba Siénsia, Teknolojia no Inovasaun ba Dala-89 (COSTI-89), sesaun diálogu ho Parceiru Diálogu ASEAN, no Reuniaun Ministeriál ASEAN ba Siénsia, Teknolojia no Inovasaun ba Dala-22 (AMSTI-22). Partisipasaun iha reuniaun sira-ne'e fó oportunidade importante ba Timor-Leste atu kontribui iha diskusaun polítika rejionál, hametin relasaun diplomátika, no promove kooperaun iha área siénsia, teknolojia no inovasaun (STI).

Reuniaun sira-ne'e mos fó komprensaun kle'an kona-ba orientasaun estratéjika ASEAN ba dekada ida tuirmai, liuliu liuhusi aprovasaun ASEAN Plan of Action on Science, Technology and Innovation (APASTI) 2026–2035, aprovasaun ASEAN Science, Technology and Innovation Fund (ASTIF) Call 2026, no endosamentu ba ASEAN Priority Economic Deliverables (PEDs) no ASEAN Ministerial Directives (AMDs). Desizaun estratéjika sira-ne'e sai baze importante atu orienta kooperaun rejionál iha investigasaun siéntifika, inovasaun, transformasaun dijitál, komersializasaun teknolojia, dezentvolvimentu rekursu umanu, no dezentvolvimentu sosioekonómiku sustentável iha ASEAN.

Partisipasaun ativu Timor-Leste, inklui intervensaun ofisiál sira durante reuniaun ho Japaun, Repúblika Korea (ROK), no iha Reuniaun Ministeriál, hatudu klaramente kompromisu Governu Timor-Leste atu sai parseiru ativu no konstrutivu iha comunidade ASEAN iha área siénsia, teknolojia no inovasaun. Intervensaun sira-ne'e subliña prioridade estratéjika Timor-Leste iha hametin investigasaun siéntifika, promove inovasaun, acelera transformasaun dijitál, desenvolve teknolojia emerjente hanesan inteligénsia artifisiál, no amplia kooperasaun internasionál liuhusi Institutu Nasionál ba Siénsia no Teknolojia (INCT). Delegasaun Timor-Leste mos reafirma ninia apoiu ba iniciativa estratéjika ASEAN, inklui Deklarasaun kona-ba Teknolojia Espasiál (Space Technology) no Deklarasaun kona-ba Intelijénsia Artifisiál ba Saúde (Artificial Intelligence for Health), ne'ebé tama iha ASEAN Priority Economic Deliverables.

Misaun ida-ne'e mos kontribui ba hametin relasaun bilateral no multilateral Timor-Leste ho Estadu Membru ASEAN no Parceiru Diálogu sira, inklui Japaun, Repúblika Korea, Xina, Índia, União Europeia, Reino Unido, Estados Unidos da América no ASEAN Plus Three. Relasaun sira-ne'e loke oportunidade foun ba kooperasaun iha área investigasaun no desenvolvimentu, transferénsia teknolojia, mobilidade investigador, desenvolvimentu kapasidade institusionál, no partisipasaun iha programa investigasaun no inovasaun iha nível rejionál.

Partisipasaun iha misaun ida-ne'e marka pasu estratéjiku ida iha prosesu integrasaun progresivu Timor-Leste ba ASEAN. Misaun ne'e la deit aumenta komprensaun kona-ba mekanizmu governansa ASEAN, sistema finansiamentu rejionál no prosesu formulasaun política iha área STI, maibé mos hametin preparasaun Timor-Leste atu partisipa ho efetivu iha programa no iniciativa ASEAN sira iha futuro. Rezultadu husi misaun ida-ne'e sei kontribui ba desenvolvimentu kontínuu ekosistema nasional ba siénsia, teknolojia no inovasaun, no apoia preparasaun Timor-Leste ba ninia partisipasaun tomak iha mekanizmu kooperasaun ASEAN.

Bazeia ba rezultadu no esperiénsia ne'ebé hetan durante misaun ida-ne'e, rekomenda atu Institutu Nasionál ba Siénsia no Teknolojia (INCT), hamutuk ho ministériu no instituisaun relevante sira, kontinua hametin envolvimentu Timor-Leste iha ASEAN COSTI no órgaun subsidiáriu sira, prepara partisipasaun iha ASTIF Call 2026, suporta implementasaun APASTI 2026–2035 iha nível nasional, no amplia tan parseria estratéjika ho Estadu Membru ASEAN no Parceiru Diálogu sira. Esforsu sira-ne'e importante atu promove investigasaun siéntifika ho qualidade, desenvolve inovasaun, aumenta kapasidade institusionál, no kontribui ba desenvolvimentu nasional ne'ebé sustentável, inkluzivu no bazeia ba koñesimentu siéntífiku.

OBRIGADU WAIN



